

Sumarið 2012

Fornir fimmtudagar og mannabein á miðvikudögum

Hið þingeyyska fornleifafélag (HÞF) og Fornleifastofnun Íslands standa að gönguferða-/heimsókna-dagskrá um minjasvæði í Suður-Þingeyjarsýslu sumarið 2012. Fornleifafræðingar taka á móti gestum á eftirtöldum stöðum þar sem rannsóknir eru í gangi.

Miðvikudagur 25. júlí

Kuml? á Narfastöðum í Reykjadal.

Kl. 20:00 (1,5 klst.) Adolf Friðriksson og félagar taka á móti gestum og fræða um nýfundinn, athygliverðan minjastað upp á holti norðan og ofan gistihússins á Narfastöðum. Er talið að þar geti verið um fornan legstað að ræða, en á þessu stigi er óþekkt hvað hann hefur að geyma. Er fundið kuml úr heiðni? Ef svo er, hvað leynist þar? Hver var þar grafinn? Mæting á bílplani við Gistihúsið á Narfastöðum.



Mynd: Howell Magnús Roberts

Miðvikudagur 1. ágúst.

Ingiríðarstaðir í Þegjandadal.

kl. 19:00 (3-4 klst.) Howell Magnús Roberts deildarstjóri hjá Fornleifastofnun og félagar ganga með gestum um kumlsteiginn á Ingiríðarstöðum sem er að öllum líkindum sá stærsti sem fundist hefur hérlandis og er afar athygliverður. Ath. Gangan tekur u.þ.b. 1 klst. hvora leið. Mæting á bílplanið við Grenjaðarstað



Mynd: David Stort

Fimmtudagur 9. ágúst.

Kirkjugarðurinn á Hofstöðum í Mývatnssveit.

Kl. 20:00 (1,5 klst.) Oddgeir Ísaksen og félagar taka á móti gestum og leiðsegja um gamla kirkjugarðinn á Hofstöðum. Þar munu þau gera grein fyrir uppgreftinum og rannsóknum á beinagrindum sem grafnar hafa verið upp undanfarin ár. Mæting á bílplani heima við Hofstaði.

Fimmtudagur 16. ágúst.

Ljósstaðir - Fornleifaskráning í Laxárdal.

kl. 20:00 (1,5 – 2 klst.) Fornleifafræðingarnir Birna Lárusdóttir og Elín Ósk Hreiðarsdóttir frá Fornleifastofnun Íslands gefa gestum innsýn í fornleifaskráningu og merkri sögu Ljósstaða verða gerð nokkur skil. Mæting heima við hlið á Ljósstöðum. Ekið er inn Laxárdal að vestan.

Allir eru velkomnir í göngurnar sem eru ókeypis. Ekki er þörf á skráningu þátttakenda. Þátttakendur eru hvattir til að vera í góðum skóm, hafa með sér vatnsflösku og flugnanet ef hlýtt er í veðri. Göngustafir koma að notum í öllum göngunum. Frekari upplýsingar verður að finna á www.fornleifafelag.is eða í síma 846 8573 (Baldur) eða 894 4594 (Unnsteinn)

Vinsamlega geymið auglýsinguna.



Hið þingeyyska fornleifafélag og Fornleifastofnun Íslands

Samstarfsaðilarnir



Hið Þingeyyska fornleifafélag

Hið Þingeyyska fornleifafélag var stofnað á Narfastöðum í Reykjadal, haustið 2004 af einstaklingum og stofnunum í héraði. Félagið hefur það að markmiði að efla fornleifarannsóknir og kortlagningu menningarminja í Þingeyjarþingi og skapa styrkar forsendur fyrir menningartengda ferðamennsku í héraði. Félagið starfar náið með Fornleifastofnun Íslands sem veitir vísindalega ráðgjöf og hefur annast rannsóknir á vegum félagsins. Með tilkomu félagsins skapaðist vettvangur fyrir samstarf ólíkra aðila um vísindalega starfsemi á þessu sviði sem og fyrir áframhaldandi rannsóknir í héraðsfornleifafræði. Með slíkri nálgun er reynt að varpa ljósi á marga minjaflokka á sama svæði til að draga upp mynd af menningu og afkomu fólks á ákveðnu tímasteiði. Rannsóknir á vegum félagsins undanfarin sumur hafa einkum beinst að rannsóknum á fornbylum, kumlum og þingstöðum en hefur jafnframt staðið fyrir gönguferðum, málþingum og annarskonar fræðslu til almennings. Nánar má fræðast um starfsemi félagsins á vefnum www.fornleifafelag.is

Stjórn félagsins skipa Unnsteinn Ingason, Ásgeir Böðvarsson og Halldór Valdimarsson.



Fornleifastofnun Íslands ses

Fornleifastofnun Íslands ses er sjálfseignarstofnun og starfar eftir staðfestri skipulagsskrá. Formleg starfsemi hófst 1995 en margvíslegt rannsóknarstarf hafði áður verið unnið af aðstandendum hennar allt frá árinu 1989. Fornleifastofnun hefur sett sér metnaðarfull rannsóknarmarkmið og er í nánú samstarfi við innlenda og erlenda vísindamenn og rannsóknarstofnanir. Starfsmenn taka þátt í akademískri umræðu sem meðal annars birtist í öflugum útgáfustarfi. Starfsemi Fornleifastofnunar er fjármögguð með vísindastyrkjum en stofnunin tekur líka að sér þjónustuverkefni ef tryggt er að þau skili vísindalegum niðurstöðum. Stofnunin heldur utan um safn rannsóknargagna og upplýsinga um íslenskar fornleifar (Ísleif) og gefur út alþjóðlegt tímarit um íslenskar fornleifar og skylt efni, *Archaeologia Islandica*. Einnig er rekinn Fornleifaskóli á vegum stofnunarinnar sem veitir ungu vísindafólki þjálfun í vettvangsrannsóknum og úrvinnslu gagna. Sjá nánar á vef stofnunarinnar www.instarch.is